

**Init imigassanik aalakoornartulinnik nioqquteqartarfiit sassaallertarfiillu
aaqqissuunneqarneri atornerqarnerilu pillugit Namminersornerullutik Oqartussat
Nalunaarutaat nr. 19 ulloq 29. marts 1990-imeersoq**

Imigassanik aalakoornartulinnik nioqquteqarneq sassaallertarnerlu pillugit Inatsisartut inatsisaanni nr. 13-imi 26. okt. 1989-imeersumi § 10 imm. 1 aamma § 17 imm. 3, takuuk § 24 imm. 3, tunngavigalugit makku aalaj angersarneqarput:

§ 1. Nalunaarutip matuma aalajangersagai suliffinnut imigassanik nioqquteqarsinnaanermut akuersissutaatilinnut atuuppoq, umiarsuarnullu atuugani. Aalajangersakkat aamma pisortat suliffeqarfiisa niuertarfiinut, akunnittarfiutaannut sassaallertarfiinullu imigassanik aalakoornartulinnik nioqquteqarfiusunut atuupput.

§ 2. Init imigassanik aalakoornartulinnik nioqquteqarfittut sassaallertarfittullu atornerqalinnginnerini akuersissutit makku pissarsiarineqareersimassapput:

- 1) sanaartukkanik nakkutilliisumit (kommunip atuisinnaanermut akuersissutaa),
- 2) ikuallattoorsinnaanermut nakkutilliisut akuersissutaat,
- 3) peqqinnissamut oqartussat akuersissutaat,
- 4) Sullivinnik Nakkutilliisoqarfiup akuersissutaa kiisalu namminersorluni inuutissarsiorfeqarnermut akuersissut aammalu imigassanik nioqquteqarsinnaanermut akuersissut.

Imm. 2. Aalajangersakkat tamakku aamma atuupput annertuumik allangortiterisoqarsimappat. Piginnittoq attartortorluunniit allangorsimappata namminersorluni inuutissarsiorfeqarnermut nutaamik akuersissuteqartoqassaaq aammalu nutaamik imigassanik nioqquteqarsinnaanermut akuersissuteqartoqassalluni.

§ 3. Suliffeqarfiup isaariaa nunaminertallu tassunga avatangiisut qaninnerit sukkulluunniit torersuutinneqassapput.

Imm. 2. Kommunalbestyrelsip suliffeqarfik nunaminertanik avatangiisiminik qanoq annertutigisumik torersuutitsinissaminut akisussaannersoq aalajangersinnaavaa.

§ 4. Kommunalbestyrelsip suliffeqarfik pioreersoq eqqaamiuminik nipiliornikkut, eqqissiviillioornikkut mingutsitsinikkulluunniit annertuumik ajornartorsiortitsisoq akornutaasunik aaqqiissuteqaqqullugu piumasaqarfigisinnaavaa.

§ 5. Inini imigassanik nioqquteqarsinnaanermut akuersissutaateqartuni nipillorneq, nukersorluni qunutitsineq (persuttaaneq), ajuallatsitsiniarneq taakkulluunniit assinginik iliorneq, aammalu kikkulluunniit eqqissisimanissaannut akornutaasumik iliuseqarneq imaluunniit isersimasunut ajoqutaasinnaasumik torersumilluunniit assuarnangitsumillu pissusilersornissamut akerliusumik iliorneq inertequtaapput.

Imm. 2. Imm. 1-imi aalajangersakkat unioqqutinneqarpata imigassanik nioqquteqarsinnaanermut akuersissummik piginnittup taassumaluunniit tullersortaata qanoq iliornerit uparuaaffigissavai, pisariaqarpallu unioqqutitsisoq qimagutitissavaa imaluunniit politiit aggeqqussallugit.

§ 6. Sassaallertarfiit initaanni isersimasut ataatsikkut ima amerlatigissanngillat tamanna eqqissisimanissamut akornutaalluni.

Imm. 2. Eqqissisimanissaq qanguniarlugupisariaqartinneqarpat politiit kommunalbestyrelsimut inassutigisinnaavaat ataavartussamik piffissalluunniit aalajangersimasup iluani oqartussaasut isersimasut amerlanerpaaffissaannik aalajangigaannit ikinnerusunik isersimasoqartassasoq.

§ 7. Imigassanik aalacornartulinnik nioqquteqarnermi sassaallerner milu 18-it inorlugit ukiullit toqqaannartumik sulisorineqassanngillat. Ilinniartut ilinniarnerminnullu atatillugu sungiusarlutik sulisut tamatigut inersimasunik naammattunik amerlassusilinnik ilaqarnissaat qulakkeerneqarsimassaaq.

Imm. 2. Sutorniartarfinni matunik paarsisussat naammattunik amerlassusilinnik sulisoqassaaq, taamatullu sulisut inersimasuussapput 18-inik ukioqalereersimasut.

§ 8. Imigassanikaalakoorartulinniksassaallernerup matunissaata siuninnguatigut imigassanik aalakoornartulinnik ima amerlatigisunik pisisitsisoqassanngilaq, taakku piffissarititaasup sinnerani imerneqarsinnaasorinaratik imaluunniit aalakoornarjussualissutaasinnaallutik.

§ 9. Illut nakkutigineqarnerini ikuallattoornissamullu oqartussat Sullivinnillu Nakkutilliisoqarfik nioqquteqarfiit sassaallertarfiillu akuerineqarnerini piumasaqaataasut suli eqqortinneqarnerisut sukkulluunniit misissuiffiginissaannut piginnaatitaapput.

Imm. 2. Aammattaaq peqqinnissamut oqartussat eqqiluisaarnikkut pissutsit naammaginaruunersut sukkulluunniit misissuiffiginissaannut piginnaatitaapput.

§ 10. Nakkutilliisutut oqartussat suliffimmi piumasaqaatinik naammassinnisaimanngitsunut aaqqiinissamik naalakkiuteqarsinnaapput.

Imm. 2. Naalakkiutit taakku oqartussat ilaata piffissaliussaata iluani aaqqinneqanngippata nakkutilliisutut oqartussat aaqqitassat naammassitserlugit suliffik matugallaqqusinnaavaat, aaqqitassat isersimasunut sulisunullu isumannaallisaaffigineqarnermut peqqinnissakkulluunniit ulorlanartorsiortitaasinnaanermut annertuumik pissutaasimappata.

§ 11. Suliffimmi pissutsit inatsisitigut piumasarineqartunik naanmassinnissimanngippata nakkutilliisutut oqartussat kommunalbestyrelsimut, pisortat suliffeqarfiini akunnittarfiit sassaallertarfiillu pineqarpata Naalakkersuisunut, nalunaaruteqassapput. Nakkutilliisutut oqartussat nalunaarummini ilanngullugit oqaatigissavaat naalakkiutit suut qanoq piffissalikkat suliffiup aaqqinneqarnissaanut pisariaqartissimaneritik.

§ 12. Nalunaarummi matumani aalajangersakkanik unioqqutitsinerit akiliisitsissutigineqarsinnaapput.

§ 13. Nalunaarut manna atortuulersinneqarpoq 1. april 1990 aallarnerfigalugu.

Imm. 2. Suliffioreersup aaqqissuunnissaanut immikkut piumasarianut naalakkiutit allanngortitsinernut annertuunut tunngassuteqartut Inatsisartut inatsisaanni § 5 imm. 2-mi oqaaseqatigiit aappaannut tunngassuteqartut siusinnerpaamik 1. april 1991-imi aatsaat naammassereeqquneqarsinnaapput.

Namminersornerullutik Oqartussat ulloq 29. marts 1990

Moses Olsen

/

Martha Labansen